



KOSOVO SPECIALIST CHAMBERS
DHOMAT E SPECIALIZUARA TË KOSOVËS
SPECIJALIZOVANA VEÇA KOSOVA

Numri: KSC-BC-2020-05
Prokurori i Specializuar k. Salih Mustafës

Vendosi: Gjykatësi i procedurës paraprake
Gjykatës Nikola Giju

Administratore: Dr. Fidelma Donlon

Data: 25 shtator 2020

Gjuha: Anglishte

Klasifikimi: Publik

Vendim për caktimin e datës së paraqitjes së parë të Salih Mustafës

Prokurorit të Specializuar
Xhek Smith

Mbrojtësit kujdestar për të akuzuarin
Julius von Bóné

GJYKATËSI I PROCEDURËS PARAPRAKE,¹ në bazë të nenit 39(4) të Ligjit nr. 05/L-053 për Dhomat e Specializuara dhe Zyrën e Prokurorit të Specializuar (“Ligji”) dhe rregullave 87(6) dhe 92(1) të Rregullores së Procedurës dhe Provave para Dhomave të Specializuara të Kosovës (“Rregullorja”), lëshon vendimin e mëposhtëm.

I. HISTORIKU PROCEDURAL

1. Më 14 shkurt 2020, Prokurori I Specializuar paraqiti një aktakuzë konfidenciale dhe *ex parte* për konfirmim së bashku me material provues në mbështetje të fakteve mbi të cilat bazohen akuzat dhe një përmbledhje të detajuar që demonstroi lidhjen e çdo prove me secilën akuzë.²
2. Më 12 qershor gjykatësi i procedurës paraprake lëshoi “Vendim mbi konfirmimin e aktakuzës kundër Salih Mustafës” (“Vendimi i konfirmimit”),³ “Fletarrestim për z. Salih Mustafa”⁴ dhe “Urdhër për transferim në objektin e paraburgimit të Dhomave të Specializuara”⁵.
3. Më 19 qershor 2020, Prokurori i Specializuar paraqiti Aktakuzën e konfirmuar,⁶ me redaktime të autorizuara nga gjykatësi i procedurës paraprake.⁷

¹ KSC-BC-2020-05, F00001, Kryetarja, Vendim për caktimin e gjykatësit të procedurës paraprake, 14 shkurt 2020, publik.

² KSC-BC-2020-05, F00002, Prokurori i Specializuar, *Parashtrim i aktakuzës për konfirmim dhe kërkesave në lidhje me të*, 14 shkurt 2020, rreptësisht konfidencial dhe *ex parte*, me shtojcat 1-3, rreptësisht konfidenciale dhe *ex parte*.

³ KSC-BC-2020-05, F00008, Gjykatësi i procedurës paraprake, Vendim mbi konfirmimin e aktakuzës kundër Salih Mustafës (“Vendimi i konfirmimit”), 12 qershor 2020, rreptësisht konfidencial dhe *ex parte*.

⁴ KSC-BC-2020-05, F00009/A01, Gjykatësi i procedurës paraprake, *Versioni i redaktuar publik i fletarrestimit për z. Salih Mustafa*, 12 qershor 2020, publik.

⁵ KSC-BC-2020-05, F00009/A02, Gjykatësi i procedurës paraprake, *Versioni i redaktuar publik i urdhrimit për transferimin në objektin e paraburgimit të Dhomave të Specializuara*, 12 qershor 2020, publik.

⁶ KSC-BC-2020-05, F00011/A02, Prokurori i Specializuar, *Shtojca 2 e Parashtrimit të aktakuzës së konfirmuar*, 19 qershor 2020, publik.

⁷ Vendimi i konfirmimit, para. 163(c).

4. Më 24 shtator 2020, Salih Mustafa (“z. Mustafa” ose “i akuzuari”) u arrestua⁸ dhe u transferua në objektin e paraburgimit të Dhomave të Specializuara (“DHS”) në Hagë, Holandë.⁹

5. Më 24 shtator 2020, Administratorja caktoi Julius von Bóné si mbrojtës kujdestar për z. Mustafa, në pajtim me pjesën 17(2) të Direktivës për Mbrojtësit dhe rregullën 21 të Rregullores së Ndhmës Juridike.¹⁰

II. DISPOZITAT LIGJORE PËRKATËSE

6. Sipas nenit 39 (4) të Ligjit, një person kundër të cilit është konfirmuar aktakuzë, merret në ndalim në zbatim të urdhërarrestimit ose fletarrestimit të lëshuar nga Dhomat e Specializuara, informohet menjëherë për akuzat kundër tij dhe transferohet në Dhomat e Specializuara.

7. Në bazë të rregullave 87(6) dhe 92(1) të Rregullores, i akuzuari nxirret para gjykatësit të procedurës paraprake pa vonesë të papërligjur.

8. Në bazë të neneve 21(2) dhe 39(6) të Ligjit, seancat ndër të cilat edhe seanca e paraqitjes së parë të të akzuarit, janë publike, përveçse kur gjykatësi i procedurës paraprake vendos ndryshe në pajtim me Rregulloren

III. DISKUTIM

9. Duke marrë parasysh se arrestimi i z. Mustafa dhe transferimi i tij në objektin e paraburgimit të Dhomave të Specializuara u kryen më 24 shtator 2020, gjykatësi i

⁸ KSC-BC-2020-05, F00013, Administratorja, *Njoftimi i arrestimit sipas rregullës 55(4)*, 24 shtator 2020, rreptësisht konfidencial dhe *ex parte*.

⁹ KSC-BC-2020-05, F00014, Administratorja, *Njoftimi i pranimit në objektin e paraburgimit të Dhomave të Specializuara*, 24 shtator 2020, rreptësisht konfidencial dhe *ex parte*, me një shtojcë rreptësisht konfidenciale dhe *ex parte*, para. 2.

¹⁰ KSC-BC-2020-05, F00014, Administratorja, *Njoftimi i pranimit në objektin e paraburgimit të Dhomave të Specializuara*, 24 shtator 2020, rreptësisht konfidencial dhe *ex parte*, para. 3.

procedurës paraprake e gjykon të përshtatshme të caktojë një seancë për paraqitjen e parë të të akuzuarit sa më shpejt që të jetë e realizueshme, duke mbajtur parasysh kufizimet prej covid-19, me qëllim që të respektohen të drejtat e tij të parapara në Ligj.

10. Gjithashtu duke marrë shënim se seancat mund të bëhen publike edhe jashtë sallës së gjyqit, gjykatësi i procedurës paraprake autorizon bërjen e fotografive në fillim të seancës së paraqitjes së parë.

IV. VENDIM

11. Për arsyet e lartpërmendura, gjykatësi i procedurës paraprake:

- a) **VENDOS** të mbajë seancë për paraqitjen e parë të z. Mustafa, të **hënën, më 28 shtator 2020, në 15:00**; dhe
- b) **AUTORIZON** Administratoren të organizojë në fillim të seancës së paraqitjes së parë bërjen e fotografive për një minutë e gjysmë.

/nënshkrim

Gjykatës Nikola Giju
Gjykatës i procedurës paraprake

E premte, 25 shtator 2020
Hagë, Holandë.